



REPUBLIKA E SHQIPËRISE
GJYKATA E RRETHIT GJYQËSOR SHKODËR

Nr. Regj. Them. 513/461/3192 (3476)
Dt. Regj. 12/12/2013

Nr. Vendimi 235 (612)
Dt. Vendimi 12/02/2015

V E N D I M
“NE EMER TE REPUBLIKES”

Gjykata e Rrethit Gjyqësor Shkoder përbërë nga :

Hasan Selimi – Gjyqtar

asistuar prej sekretares gjyqësore Marterina Pleshaj, sot më datë 12/02/2015 mori në shqyrtim, në seancë gjyqësore me dyer të hapura, ceshtjen civile që i perket

KERKUES Drejtoria Rajonale e Tatimeve Shkoder, perfaqesuar nga Sirjana Bakushi.

PERSON I TRETE Shoqëria AR-Europrojects”sh.p.k, perfaqesuar nga Ervis Myftari.

OBJEKTI: Hapje e procedurave të falimentimit.

BAZALIGJORE: Ligji numer 9920 date 19.05.2008”Per procedurat tatimore ne Reppubliken e Shqiperise”. Neni 104/1, shkronja c, Udhezimi numer 24, date 02.09.2008”Per procedurat tatimore ne republiken e Shqiperise. Ligji Numer 8901, date 23.05.2002”Per falimentimin”, Neni 13,14 e vijues i ketij ligji, i ndryshuar me ligjin numer 9919, date 19.05.2008. Ligji numer 8438, date 28.12.1998”Per tatimin mbi te ardhurat“, I ndryshuar, Udhezimi perkates, ligji numer 7928 date 27.04.1995”Per tatimin mbi vleren e shtuar I ndryshuar. Nenet 334, 335 I K.Civil.

Gjykata pasi administroi provat shkresore, degjoi pretendimet e kerkuesit, Drejtorise Rajonale te Tatimeve Shkoder dhe personit te trete Ar-Europrojects shpk qe kerkuan pranimin e kerkeses dhe e shqyrtoi ceshtjen ne teresi ne mungese te debitorit

V E R E N s e:

Pala kerkuese, Drejtoria Rajonale e Tatimeve Shkoder, perfaqesuar nga Sirjana Bakushi ka vënë në lëvizje Gjykatën e Rrethit Gjyqësor Shkoder me kërkesën me objekt dhe shkak ligjor si më lart, për çeljen e procedurës së falimentimit të shoqërisë Shoqëria “Shoqëria AR-Europrojects”Shpk.

Siç rezulton nga ekstraktet e leshuara nga QKR-ja, akte të cilat u administruan në gjykim, shoqëria “AR-Europrojects”, Shpk është një person juridik tregtar, subjekt i të drejtës tregtare shqiptare, i krijuar dhe regjistruar konform ligjit të kohës në datën 13/07/2007, në formën e një

shoqërie tregtare me përgjegjësi të kufizuar (Shpk). Në ekstrat është përcaktuar qarte selia e kësaj shoqërie: 13.Dhjetori Shkoder.

Aktivitetin e ndertimit dhe ate qe ka lidhje me pasurite e paluajtshme, si per llogari te vet ashtu edhe per llogari te enteve publike dhe private, si edhe ndertimin, restaurimin, riparimin, shkembimin, blerjen, shitjen, dhenien me qira, menaxhimin, administrimin e pasurive te paluajtshme te veta, te te treteve ose te dhena me qera financiare, tregtare ashtu edhe industriale, edhe te mobiluara, lidhja e kontratave te sipermarrjes si dhe zhvillimi i te gjitha akkriviteteve te lidhura direkt ose indirekt me aktivitetin e ndertimit dhe ate qe ka lidhje me pasurite e paluajtshme ne pergjithesi perfshire aktivitetin e ndermjetesimit ne lidhje me pasurite e paluajtshme. Aktivitetin ne lidhje me pjesemarrjen ne shoqeri dhe/ose ente te cfardo lloji, me perjashtim te atyre publike, si dhe aktivitetin per koordinimin teknik dhe financiar te shoqerive pjesemarrese. Aktivitetin tregtar, per llogari te vet dhe/ose te te treteve, me shumice dhe pakice, nepermjet marrjes se perfaqesimeve dhe/ose mandateve te agjensise, ne Itali dhe jashte saj, te produkteve dhe pajisjeve per ndertim, materialeve porfirike dhe derivative te tyre, perfshire gurin natyror, material inerte, perzierjet me perberje bitumi, beton te amballazuar, materiale ndertimi dhe makineri per ndertim si dhe cdo gje tjeter lidhur direct ose indirect edhe me perdorimin e tyre. Aktivitetin tregtar, per llogari te vet/ose te te treteve, me shumice dhe pakice, nepermjet marrjes se perfaqesimeve dhe/ose mandateve te agjensise, ne Itali dhe jashte saj, te mobiljeve dhe orendive te brendshme ne pergjithesi, si dhe me porosi, perfshire projektimin dhe realizimin e tyre. Aktivitetin e perpunimit dhe menaxhimit te te dhenave ne pergjithesi, qe nenkupton thjesht manipulimin informatik te tyre, si dhe aktivitetin e asistences dhe ofrimin e sherbimeve administrative dhe kontabile per shoqerite dhe studiot profesionale dhe aktivitetet qe kane lidhje edhe indirekte me to, duke perfshire por pa kufizuar, dhenien me qira te kompjuterave, mobiljeve dhe makineneve per zyre si dhe ofrimin e sherbimeve te sekretarise. Gjithashtu Shoqeria mund te kryej kerkime te tregut, te zhvilloje marka dhe patentat, organizoje rrjete tregtare, nenshkruaje kontrata agjensie, projektoje impiante dhe ofroje, edhe indirekt asistencat teknike ne lidhje me aktivitetet e mesiperme. Shoqeria mund te kryej cdo operacion tregtar, operacione qe lidhen me pasurite e luajtshme dhe te paluajtshme, si edhe te bleje dhe shese ose marre me qira ndermarrje, dege ndermarrjesh, si edhe te kete interesa ose pjesemarrje ne shoqeri, ente, konsociume, te themeluara apo ne themelim e siper, qe kane objekt te njejte ose te ngjashem me te vetin apo gjithesesi funksional per arritjen e qellimeve te shoqerise, si dhe te jape garanci, fideiusionet, te marre hua dhe ofroje garanci, pasurore apo personale, ne favor te te treteve. Me ne pergjithesi, Shoqeria mund te kryej cdo aktivitet tjeter te nevojshem apo te dobishem per realizimin e qellimeve te shoqerise.

Me dt.31/12/2014 administrator i shoqerise Ar-Europrojects shpk eshte caktuar Bruno Lauri. Kjo sipas QKR-se, printuar nga interneti ne sekretarine gjyqesore Shkoder. Emerimi si administrator i shoqerise Ar-Europrojects shpk bie ne kundersiztim me ligjin nr.9920, dt.19/05/2008, i ndryshuar pasi ne Gjykatën e Rrethit gjyqesor Shkoder institucioni i administrates tatimore Shkoder ka kerkuar qe te hapen procedurat e falimentitmit. Pervec kesaj te gjithë administratorët janë ne dijeni te ketij fakti dhe kane vepruar ne kundersiztim me ligjin ne emerimin e ketij administratori. Përfaqësuesi ligjor i shoqërisë "Arben ÇANOLE" është vendosur me vendimin nr. liçence 9, date 15.10.2012 nga Ministria e Drejtesise.

Sipas pohimeve te palës kërkuese veprimtaria e shoqërisë ka rezultuar me humbje të kapitaleve tre vite rresht dhe konkretisht në vitet 2008, 2009, 2010 e ne vazhdim kjo për shkak të vështirësive financiare që ka kaluar ky subjekt tregtar. Ndodhur ne këto kushte-sipas palës

SHKODER
3
kërkuese-situata financiare e saj për shkak të humbjeve ekonomike, ka pas sjellë mbingarkesën me detyrime dhe paaftësi paguese të detyrimeve si ndaj shtetit ashtu edhe ndaj të tretëve. Gjendja financiare e përkeqësuar e parashtruar nga pala kërkuese ka diktuar dhe paraqitjen në gjykatë të kërkesës së saj për hapje të procedurës së falimentimit/në cilësinë e debitorit. Në bazë të nenit 3 dhe 4 të ligjit “Per falimentimin”, Gjykata e Rrethit gjyqësor Shkoder/seksioni tregetar i saj është gjykatë kompetente për shqyrtimin e kërkesës për hapje të procedurës së falimentimit.

Neni 13 i ligjit Nr. 8901, datë 23.5.2002 “Për Falimentimin” (i ndryshuar) parashikon shprehimisht:

“1. Procedura e falimentimit hapet vetëm me shkak.

2. Gjendja e paaftësisë paguese përbën shkak të përgjithshëm për hapjen e procedurës së falimentimit. Debitori vlerësohet i paaftë për të paguar nëse nuk është në gjendje të paguajë detyrimet në datën e maturimit. Paaftësia paguese prezumohet se ekziston nëse debitori nuk kryen pagesat.

3. Nëse hapja e procedurës së falimentimit kërkohet nga vetë debitori, paaftësia paguese në një të ardhme të afërt përbën shkak për hapjen e procedurës së falimentimit. Debitori ndodhet në gjendjen e paaftësisë paguese në një të ardhme të afërt, kur nuk është në gjendje të paguajë ose të shlyejë detyrimet që ka në datën e maturimit.

4. Mbingarkesa me borxhe përbën shkak për hapjen e procedurës së falimentimit në rastin e një personi juridik. Debitori ndodhet në gjendjen e mbingarkesës me borxhe kur vërtetohet se pasuritë e tij nuk mbulojnë detyrimet ndaj të tretëve dhe, në bazë të rrethanave, pas vlerësimit të pasurive të debitorit nuk është më mundësia për vazhdimësinë e veprimtarisë. Procedurat për fillimin e procesit të falimentimit në organin tatimor kryhen sipas legjislacionit tatimor përkatës.

5. Kriteret dhe mënyrat e përlllogaritjes së treguesve ekonomikë, mbi të cilët fillojnë procedurat e falimentimit, caktohen nga Këshilli i Ministrave”.

E drejta e palës kërkuese, për t’iu drejtuar Gjykatës me kerkese me objekt hapje të procedurës së falimentimit gjen mbështetje në nenin 14/1 të ligjit “Për falimentimin”, sipas të cilit: *“1.Procedura e falimentimit hapet vetëm me kërkesën e debitorit ose të kreditorëve. Në rastin e personave juridikë procedura e falimentimit mund të hapet edhe me kërkesën e organeve tatimore, kur rezulton një bilanc me humbje për një periudhë 3-vjeçare”.*

Në ligj behen rregullime të posaçme në varesi dhe të statusit (debitor apo kreditor) të subjektit që paraqet kërkesën për falimentimin. Në nenin 14 të ligjit “Per falimentimin” përcaktohet shprehimisht dokumentacioni i kërkuar nga ligji që duhet të bashkangjitet kërkesës për hapjen e procedurës së falimentimit, në rastin kur kërkesa parashtrohet nga organi tatimor, sikundër rasti konkret. Me konkretisht citojmë nenin 14. 1/2 të ligjit:

“1/2. Organet tatimore përjashtohen nga pagimi i taksave gjyqësore. Për fillimin e procedurës së falimentimit organet tatimore paraqesin në gjykatë:

a) kërkesën për hapjen e procedurës së falimentimit;

b) dokumentacionin e shoqërisë (statutin, aktin e themelimit, numrin e NIPT-it);

c) bilancin me pasqyrat financiare të shoqërisë, për të cilën kërkohet fillimi i procedurës së falimentimit”.

Në rastin objekt gjykimi pala kërkuese, e paraqitur, bashkë me kërkesën për hapje të procedurës së falimentimit ka sjellë në gjykatë midis të tjerave dhe çfare kërkohet në nenin 14 të ligjit: Pasqyrat financiare dhe bilancet e shoqërisë “AR-Europrojects” shpk, për vitet 2008, 2009, 2010, 2011 dhe 2012 e në vazhdim. Në keto pasqyra financiare jepen pasuritë (inventaret e ndryshme), permblledhjet e të ardhurave dhe shpenzimeve, pasqyra të debive dhe kredive, etj.

Pala kerkuese ne teresine e dokumentave te paraqitura, ashtu sikurse parashtrohet ne shpjegimet e saj, kerkon te provoj se ploteson kerkesat e ligjit "Per falimentimin", duke parashtuar si shkak faktin se, personi i tretë ka rezultuar në mënyrë të pandërprerë me një bilanc ekonomik me humbje për më shumë se tre vite radhazi. Një fakt i tillë sipas palës kerkuese, dikton pamundësinë e personit të tretë për të marrë pjesë në vazhdim në qarkullimin civil si subjekt tregtar, kjo edhe për shkak të cënimit të interesave të ligjshëm të kreditorëve eventuale të kësaj shoqërie e mbi të gjitha të shtetit. Ndër shkaqet për hapjen e procedurës së falimentimit, veç humbjeve në vijimësi, është insolvabiliteti apo, gjendja e paaftësisë paguese të personit për të gjithë ortaket dhe te tretë.

Gjendja e paaftësisë paguese, nga pikëpamja e ligjit mbi falimentin përbën një shkak të përgjithshëm dhe me të ligji lidh një nga mundësitë potencialisht të mjaftueshme për hapjen e procedurave të falimentimit.

Për të vlerësuar sa pretendon dhe parashtrohet pala kerkuese, pas paraqitjes dhe te dokumentacionit te kerkuar nga ligji, Gjykata vendosi ne përputhje me nenin 18 te ligjit "Per falimentimin", në relacion me nenin 224/a të K.Pr.Civile, të emërojë një specialist ekspert, duke e ngarkuar me disa detyra në vështrim të asaj çka parashtrohet kjo dispozitë e ligjit të posaçëm mbi Falimentimin. Gjykata caktoi si eksperte Zj.Shpresa Breçani, e cila është e licencuar nga Ministria e Drejtësisë me nr.19 licence, date 15.10.2012. Pasi u njoh me te gjithë dokumentacionin e paraqitur ne gjykate nga pala kerkuese, ne perputhje me ligjin ne fuqi si dhe me detyrat e lena, paraqiti nje Raport-vlerësimi, i cili iu nënshtrua hetimit gjyqësor. Ne kete raport-vlerësim percaktohen detyrat e lena dhe pergjigjet e pyetjeve ne lidhje me to ne menyre te detajuar.

Më konkretisht, sipas ekspertes së licencuar në fushën e administrimit falimentar, është konkluduar lidhur me detyrën e parë të caktuar nga Gjykata në vështrim të nenit 18 të ligjit ligjit Nr. 8901, datë 23.5.2002 "Për Falimentimin" se:

"Në përfundim sa parashtrova më sipër, të dhëna tregojnë se shoqëria "AR-Europrojects" 13 dhetori Shkoder ka qenë në humbje të kapitaleve të veta për periudhën 2008, 2009-2012 e ne vazhdim si dhe në kushtet e paaftësisë paguese". Në vijim të përgjigjeve të dhëna prej saj, detyrave të caktuara nga ana e Gjykatës në lidhje me shkakun e hapjes së procedurës së falimentimit, ekspertja ka konkluduar në akt se: "...të dhënat tregojnë se, më datë 31/12/2012 ka ekzistuar shkaku real për hapjen e procedurës së falimentimit". Ekspertja ka konkluduar gjithashtu edhe në lidhje me pamundësinë e vazhdimit të aktivitetit tregtar të shoqërisë si për shkak të paaftësisë paguese, ashtu edhe për shkak të humbjeve ekonomike në më shumë se tre vite rresht. Në analizë të aktit të ekspertimit "Raport vlerësimi" të hartuar nga ana e ekspertes Shpresa Breçani, Gjykata konstaton se shoqëria, AR-Europrojects në këtë gjykim, nuk ka mundësi për te gjeneruar te ardhura qe mund te përmirësojnë treguesit e saj ekonomikë apo, aftësinë paguese të saj. Ne fund te raport-vlerësimit ekspertja përmbledh se ekziston shkaku real për hapjen e procedurës së falimentimit pasi, vazhdimi i aktivitetit tregtar nga ana e shoqërisë është pothuajse i pamundur.

Ky konkluzion i ekspertes Shpresa Breçani harmonizohet edhe me pohimet gjyqsore të palëve në gjykim. Nga ana e palës kerkuese, nëpërmjet përfaqësueses së saj të posaçme u pohua gjyqësisht fakti se, Shoqëria "AR-Europrojects" Shpk duhet të çelte procedurat e falimentimit pasi, për një periudhë për më shumë se tre vjet ka rezultuar me bilanc negativ në aktivitetin tregtar të saj, me humbje, ose në termat e ligjit, pasiv. E njëjtë situatë faktike, paaftësia për të përmbushur detyrimet ndaj të tretëve e shoqërisë "AR-Europrojects" Shpk, pamundësia për të

SHKODER

vijuar normalisht aktivitetin e saj tregtar të ligjshëm, u pohua edhe nga përfaqësuesit e kësaj shoqërie, person i tretë në gjykim. Sipas pretendimeve të përfaqësueses së personit të tretë, në fazën e bisedimeve përfundimtare, vështirësitë e kësaj shoqërie në aktivitetin ekonomik të saj, burojnë edhe nga kriza e shoqërisë me ortak jashtë Shqipërisë, ndaj duhej vijuar me hapjen e procedurave falimentare në bazë të ligjit mbi Falimentimin në Republikën e Shqipërisë.

Ekziston shkaku real për hapjen e procedurës së falimentit sepse:

1. Kapitallet e kompanise rezultojne totalisht me humbje per me shume se 5 vjet, dhe ne fund te periudhes 30.09.2014 kjo humbje rezulton te jete 305,516,704 leke, referuar Ligjit nr 9920, date 19.05.2008 "Per procedurat Tatimore ne Republiken e Shqiperise", I ndryshuar, Neni 104, Fillimi I procedurave te Falimentimit, pika 1 c) e cila thote:
Administrata tatimore kërkon në gjykatë fillimin e procedurës së falimentimit për tatimpaguesit, shoqëri tregtare: që deklarojnë rezultat me humbje të kapitaleve të veta për të paktën 3 vite rresht.
2. AR Europrojects shpk, është në gjendjen e paaftësisë paguese për detyrimet e njohura prej tij ndaj kreditorëve; (referuar bilancit dhe dokumentave të dorezuara në gjykatë)
3. Detyrimet e shoqerise ndaj kreditorëve janë konsideruar nga debitori si të maturuara dhe është përgjegjësi e tij llogaritja e datës së maturimit të detyrimeve. Dokumentat që kam patur në dispozicion te dorezuara nga DRT Shkoder, shkresa nr 7816/3 prot, date 06.10.2014 nuk kane percaktuar datën e maturimit të detyrimeve tatimore, por vetem Shumen e detyrimit te mbartur per vleren 2,038,181 leke, detyrime të cilat nuk jane te pasqyruara ne totalin e detyrimeve.
4. AR Europrojects shpk, nuk i ka përmbushë në kohë detyrimet; (referuar bilancit dhe dokumentave të dorezuara në gjykatë).
5. AR Europrojects shpk, nuk është në gjendje të paguajë detyrimet që ka në datën e maturimit dhe të përmbushë tërësisht këto detyrime kur ato të maturohen; (sic është rasti i interesave për huatë bankare).
6. Mbingarkesa me borxhe, Raporti i aktiveve me detyrimet është afersisht 1.3 pra detyrimet jane 1.3 herë më të mëdha se aktivet. Raporti i mësipërm tregon se vlera e aktiveve eshte e pamjaftueshme per likuidimin e detyrimeve te maturuara.

Në lidhje me pikën 5 të nenit 13 Ligjit nr. 8901, date 23.05.2002 "Per Falimentimin", i azhornuar, sipas njohurive të mia dhe informacionit të marrë nga AMF nuk ka dalë akoma nje VKM me kriteret dhe mënyrat e përcaktimit të treguesve ekonomikë për hapjen e procedurës së falimentit, prandaj treguesit e përdorur në këtë raport janë bazuar në përvojën dhe njohuritë profesionale që unë zotëroj si Eksperte Kontabël e Regjistruar dhe si administratore falimenti e licensuar.

Gjate procedures se falimentit perfshihen dhe shpenzimeve te tjera administrative sic jane: shpenzimet avokatit te kontraktuar nga administratorit te falimentit, shpenzimet e permbaruesit, shpenzime te rivleresimit e pasurise, shpenzime per kontrata per punonjes mbeshtetes me honorar, si dhe shpenzime noterie, postare, telefonie, dieta, karburant etj. Nisur nga sa me lart, mbështetur ne provat e paraqitura nga pala kërkuese dhe në raport-vlerësimin e ekspertës së falimentimit Shpresa Breçani, Gjykata çmon se, në kushtet kur ekziston shkaku real per hapjen e procedurës se falimentimit dhe plotësohen te gjitha kushtet e tjera te

përcaktuara në ligj, duhet të pranohet kërkesa për hapjen e procedurës së falimentimit duke patur parasysh këtu dhe të gjitha kërkesat e ligjit, në lidhje me pasojat juridike të hapje e procedurës së falimentimit dhe konkretisht: Caktimin e administratorit të falimentimit, publikimet përkatëse, të drejtat e kreditorëve të shoqërisë, etj. Gjykata çmon të caktojë si administrator të falimentimit nga lista e ekspertëve të licencuar në këtë fushë, Zj.Shpresa Breçani, me Nr.9 Liçense, dt.15/10/2012, me adresë: Rruga "Jordan Misja", Pallati "Sara - El", Shkalla e, Ap.1, Tiranë.

Përfundimisht, për sa u argumentua më lart, duke e konsideruar të mbështetur në ligj e prova, Gjykata çmon të disponojë me pranimin e kërkesës për hapjen e procedurës së Falimentimit të shoqërisë "Ar-Europrojects" Shpk.

PER KETO ARSYE

Gjykata në bazë të ligjit 8901 date 23.05.2002 "Për Falimentimin" të ndryshuar si dhe në nenet 126 dhe 306 të K.Pr.Civile

VENDOSI:

- Pranimin e kërkesës.
- Hapjen në orën 13.45 të datës 12.02.2015 të procedurës së falimentimit për shoqërinë "Ar Europroject" Shpk, me përfaqësues ligjor Z.Arben Çanole, me seli në Shkoder,"13 dhjetori"
- Emërimin si administrator të falimentimit për shoqërinë "Ar Europroject" Shpk, Zj. Shpresa Dem Breçani, eksperte kontabël e regjistruar, e licencuar në fushën e Administrimit të Falimentit me Nr.9 Liçense, dt.15/10/2012, me adresë: Rruga "Jordan Misja", Pallati "Sara - El", Shkalla e, Ap.1, Tiranë.
- Të gjithë kreditorët e shoqërisë "Ar Europroject" Shpk të paraqesin pranë administratorit të falimentimit pretendimet e tyre, konform nenit 141 të ligjit 8901 date 23.05.2002, i ndryshuar brenda 30 ditëve, nga dita e shpalljes së këtij vendimi.
- Të gjithë kreditorët e shoqërisë "Ar Europroject" Shpk të njoftojnë menjëherë administratorin e falimentimit për pretendimet dhe të drejtat e tyre të siguruar mbi pasuritë e debitorit.
- Personat që kanë detyrime ndaj shoqërisë "Ar Europroject" Shpk duhet t'ia paguajnë dhe t'ia shlyejnë ato administratorit të falimentimit.
- Mbledhja e kreditorëve të shoqërisë "Ar Europroject" për verifikim të mbahet brenda 60 ditëve nga përfundimi i afatit për depozitimin e pretendimeve.
- Të bëhet publikimi i vendimit gjyqësor për hapjen e procedurës së falimentimit për shoqërinë "Ar Europroject" Shpk duke i dërguar një kopje të tij Buletinit të Njoftimeve Publike.
- Një kopje e vendimit për hapjen e procedurës së falimentimit për shoqërinë "Ar Europroject" Shpk t'i dërgohet Qendrës Kombëtare të Regjistrimit.
- Një kopje e vendimit për hapjen e procedurës së falimentimit për shoqërinë "Ar Europroject" Shpk t'i dërgohet Zyrës Qendrore të Regjistrimit të Pasurive të Paluajtshme

me qellim njoftimin për të gjitha ZVRPP dhe kryerjen e veprimeve konform nenit 31 të ligjit 8901 date 23.05.2002 "Për falimentimin".

- Një kopje e këtij vendimi gjyqësor për hapjen e procedurës së falimentimit për shoqërinë "Ar Europroject" Shpk t'i dërgohet të gjitha Bankave të nivelit të dytë të RSh-se.
- Një kopje e vendimit për hapjen e procedurës së falimentimit për shoqërinë "Ar Europroject" Shpk t'i dërgohet Drejtorisë Rajonale Tatimore Shkoder.
- Të bëhet publikimi i vendimit gjyqësor për hapjen e procedurës së falimentimit për shoqërinë "Ar Europroject" Shpk në internet, në faqen zyrtare të Gjykatës së Rrethit gjyqësor Shkoder, të Qendrës Kombëtare të Regjistrimit dhe organit tatimor Shkoder.
- Shpenzimet e procedurës së falimentit në ngarkim të debitorit shoqërisë "Ar Europroject" Shpk.
- Kundër vendimit lejohet ankim i veçantë sipas ligjit 8901 date 23.05.2002, i ndryshuar.

U shpall në Shkoder me date 12/02/2015, ora 13⁴⁵

Sekretarë
Marterina Pleshaj

Gjyqtar
Hasan Selimi

VERTETOHET SE VENDIMI KA MARRE FORME TE PRERE
SOT ME DT. 23.02.2015

KRYESEKRETAR
MIRSAD ISUFI

KANCELARE
SHAZADE BORIÇI

